

# Lög fyrir Ungmennafélagið Aftureldingu, A- Barðastrandasýslu

## 1. grein

Félagið heitir Ungmennafélagið Afturelding, skammstafað UMF. Afturelding. Félagssvæðið skal vera öll Austur - Barðastrandasýsla. Lögheimili og varnarþing er á skrifstofu sveitarfélagsins.

## 2. grein

Markmið félagsins, sem eru í anda friðar og manngildis eru:

- a) Að vernda og efla félags- og menningarlíf á félagssvæðinu
- b) Að auka áhuga félagsmanna og almennings á líkamsrækt og stuðla að alhliða íþróttaiðkun
- c) Að vinna að markmiðum og stefnuskrá Ungmennafélags Íslands undir kjörorðinu: "Íslandi allt".

## 3. grein

Markmiðum sínum hyggst félagið ná með fundarhöldum, námskeiðum, íþróttæfingum, félagsstarfi og ýmiskonar framkvæmdum sem bestar þykja hverju sinni.

## 4. grein

Félagsmaður getur hver sá orðið, sem óskar eftir skráningu við einhvern í félagsstjórn, með nafni, heimilisfangi, kennitölu og síma. Eftir að stjórn félagsins hefur samþykkt inngöngu hans í félagið telst hann löglegur félagi. Formaður skal geta nýrra félaga á næsta félagsfundi eftir inngöngu þeirra og skal það bókað í fundargerð. Unglingum 14 ára og yngri skal leyfð þátttaka í fundarstörfum og fundarseta án atkvæðisréttar. Hver sá er vill ganga úr félaginu óskar eftir því við stjórnarmann og geti hann þess á næsta félagsfundi. Það telst einnig til úrsagnar úr félaginu ef félagi greiðir ekki félagsgjaldið fyrir eindaga. Kynna skal hverjum nýjum félagi 12 ára og eldri lög félagsins.

## 5. grein

Merki félagsins skal túlka nafn félagsins "Afturelding", sem þýðir sólaruppkoma eða ljós nýs dags.

SRB  
KT  


## 6. grein

Aðalfund skal halda í febrúar / mars ár hvert þó ekki seinna en ársþing UDN er haldið. Boða skal til aðalfundar með sjö daga fyrirvara í almennum fjölmiðlum í Reykhólahreppi. Aðalfundur telst lögmætur ef rétt er til hans boðað. Allir lögmætir félagara 15 ára og eldri hafa kjörgengi til fundarins. Unglingar 14 ára og yngri hafa málfrelsi og tillögurétt. Aðeins þeir félagar sem eru skuldlausir við félagið hafa atkvæðisrétt.

## 7. grein

Dagskrá aðalfundar skal vera:

- 1.) Formaður setur fundinn
- 2.) Starfsmenn fundarins kosnir
  - a.) Fundarstjóri
  - b.) Fundarritari
- 3.) Fundargerð síðasta aðalfundar lögð fram til samþykktar
- 4.) Ávarp gesta
- 5.) Formaður flytur ársskýrslu félagsins
- 6.) Féhirðir leggur fram endurskoðaða reikninga félagsins til samþykktar
- 7.) Umræður um skýrslu formanns og framkomna reikninga
- 8.) Lagabreytingar
- 9.) Tillögur lagðar fram til umræðu
- 10.) Stjórnarkjör (formann, ritara, gjaldkera)
- 11.) Annað kjör (2x endurskoðendur og þingfulltrúar)
- 12.) Ákveðið árgjald félaga
- 13.) Önnur mál
- 14.) Fundarslit

Á aðalfundi félagsins ræður einfaldur meirihluti úrslitum mála nema þegar breytingar á lögum félagsins eru, en þær verða að samþykkjast með  $\frac{2}{3}$  hluta greiddra atkvæða. Tillögur um lagabreytingar, sem óskast teknar fyrir á aðalfundi, skulu hafa borist stjórn félagsins fyrir 15. febrúar ár hvert. Framboð til stjórnarstarfa þurfa að koma fram áður en stjórnarkjör fara fram á aðalfundi. Kosningar skulu vera skriflegar, ef þurfa þykir, séu atkvæði jöfn skal láta hlutkesti ráða.

## 8. grein

Aðalfundur ákveður árgjald félagsins. Ekki er gjald fyrir börn á leikskólaaldri. Börn á grunnskólaaldri greiða hálf gjald, 16 - 66 ára greiða fullt gjald. Heiðursfélagar og 67 ára og eldri greiða ekki árgjald.

Ef félagsmenn greiða ekki árgjald missa þeir atkvæðisrétt í félaginu og skulu þeir teknir út af félagaskrá. Senda skal árgjaldið út í byrjun árs, en ekki seinna en í apríl með eindaga 15. maí.

SRB  
KI  


## 9. grein

Félagsstjórn skipa 3 félagar, formaður, ritari og gjaldkeri. Einnig skal kjósa 2 í varastjórn sem taka sæti í félagsstjórn ef einhver þeirra fellur út. Stjórnina skal kjósa leynilega og einn féлага í einu. Leita skal eftir uppástungu og kjósa einungis um þá sem stungið er upp á. Komi aðeins fram ein uppástunga til stjórnarstarfa þá er sá sem tilgreindur er sjálfkjörinn. Einnig skal kjósa 2 endurskoðendur. Stjórn og endurskoðendur skal kjósa á hverju ári. Stjórnarmeðlimir skulu kosnir til tveggja ára í senn. Formaður sér um fundarboðun og dagskrá. Hann er framkvæmdastjóri félagsins en lögheimili félagsins er á skrifstofu sveitarfélagsins. Ritari hefur á hendi bréfaskriftir fyrir félagið, bókfærir fundargerðir, skýrslur og reglugerðir. Féhirðir annast fjárgæslu félagsins. Hann sér um útborganir eftir tilvísun formanns, og heldur glögga reikninga yfir eignir þess, tekjur og gjöld. Að öðru leyti skiptir stjórnin með sér verkum. Störf sín vinnur stjórnin endurgjaldslaust.

## 10. grein

Reikningsár félagsins skal vera almanaksárið.

## 11. grein

Stjórn félagsins skal boða til almenns félagsfundar í september ár hvert. Þar skal ræða félagsstarfið. Halda ber fund ef 1/10 hluti félagsmanna óskar eftir því skriflega.

## 12. grein

Stjórn félagsins er skylt að halda spjaldskrá yfir féлага bæði iðkendur og styrktarféлага. *Iðkendur teljast þeir sem sækja æfingar hjá félaginu og þeir sem eru í stjórn félagsins eða gegna öðrum trúnaðarstörfum. Styrktarfélagar teljast þeir sem ekki iðka íþróttir en vilja vera áfram félagar og styrkja félagið ár hvert með greiðslu félagsgjalds.*

## 13. grein

UMF Afturelding er aðili að UDN, UMFÍ og ÍSÍ og er félögum skylt að virða lög þeirra.

## 14. grein

Til þess að leggja félagið niður þarf  $\frac{2}{3}$  hluta greiddra atkvæða á aðalfundi. Leysist félagið upp renna eignir þess til sveitarfélagsins í samræmi við lausamunaskrá félagsins.

SRB  
KI  
[Handwritten signature]

## 15. grein

Heiðursfélaga má kjósa og skal þeim afhentur heiðursfélagafáni UMF. Aftureldingar með áletruðu nafni. Heiður þessi er sá æðsti sem félagið veitir. Val heiðursfélaga fer fram á aðalfundi og þarf samþykki  $\frac{4}{5}$  fundarmanna svo valið teljist lögmætt. Heiðursfélagar eru undanþegnir árgjöldum.

## 16. grein

Lög þessi öðlast gildi þegar þau hafa verið samþykkt á aðalfundi félagsins með  $\frac{2}{3}$  hluta greiddra atkvæða og samþykkt af framkvæmdastjórn ÍSÍ og stjórn UDN.

Staður Reykjólur Dagsetning 4. mars 2025

Formaður Styrmir Semundsson Ritari Katla Tryggvadóttir

Gjaldkeri Sandra Rím Björnsd.